

中國近代史資料叢編之七

西北軍紀實

(1924—1930 年)

李泰榮、宋哲元編述

大東圖書公司印行

中國近代史資料叢編

前言

中國近代史料繁賾，分類叢巧，不有爬梳董理，猶治絲而棼之，徒勞無功。若就其事蹟範圍，排比時序先後，區別門類，自爲起訖，則條理貫串，綱舉目張，事半功倍，不難盡窺其堂奧。是編卽本斯義，輯爲叢編，分期刊行，備供參考。起鴉片戰爭，終對日抗戰前夕（一八三九—一九三七年）。本編收入近五十年來中國史事原始資料若干種，尤側重於國共間之糾紛問題，依類排比，分成四集，供史家徵信之資，藉以考辨今日官書公佈，有無顛倒異同，俾事之原委，經緯判明。

大東圖書公司 一九七八年七月

出版說明

本編合一九三〇年李泰棻編之『國民軍史稿』，一九三三年宋哲元口述、兆庚紀錄之『陸軍第二十九軍原始及現在志略』，『集集成書者』。（宋稿於一九六三年，刊載中國科學院歷史研究所第三所編輯之『近代史資料』第四期，題曰『西北軍志略』。）

西北軍爲國民革命軍別系，乃北洋軍閥支流，馮玉祥爲其領袖。馮出身於袁世凱小站練兵時之新建陸軍，發迹於陸建章之左路備補軍，碩壯於曹錕、吳佩孚之北洋軍直系。一九二四年，直奉二次大戰，馮暗聯馮景翼、孫岳，倒戈反吳，班師回京，囚大總統曹錕於中南海，掃蕩榆關作戰之吳部殘餘，合胡、孫兩部，成立軍事宗派，稱國民軍。尋又聯合郭松齡叛其盟友張作霖，事敗後復解決其李景林部。繼又納攜貳張宗昌部之方振武軍，積怒奉系。於是直奉釋怨，合兵攻馮。此時馮實力雖驟增至二十萬人，無能與直奉兩系爲敵，乃退出京畿，集結昌平，構築深壘固守。南口一役，戰事酷烈，馮軍傷亡慘重，西撤後偏促於甘、寧、察哈爾間。值國民政府俄顧問鮑羅廷北來，晤馮於張家口，馮遂北聯蘇俄，南聯國民黨，始與國民政府通款曲。己則孑身赴俄。

一九二六年七月，國民革命軍出師北伐，克湘、鄂，圍武昌。吳移兵南援，與北伐軍相持於武勝關，得解國民軍之難。馮亦自俄歸抵五原，重領所部，帥師東指入陝洛，始更改其軍番號爲國民革命軍第二集團軍，簡馮任總司令，會師北伐。一九二八年北伐告成，馮系地益勢力，擴張至山東、河南、陝西、甘肅、寧夏、青海、綏遠、察哈爾八省。左右軍國大政。

一九二九年三月，武漢政治分會主席李宗仁，擅免湘省主席魯蘇平職，與中央構兵。馮欲覬覦，染指其間。國府主席蔣介石遣使入汴諷馮，許以厚餌，使勿介入。已而桂李既北，蔣亦悔約，於是蔣馮交惡，而未審其屬韓復榘、石友三、馬鴻逵、龐炳勛等已受重賄。戰機既逼，韓等攜貳，宣言擁護中央。自是部曲離心，一師其投機倒戈慣技。翌年雖有閻（錫山）馮聯合，鏖兵中原，兩軍戮力疆場，頗奏威武之猛，惟對過去裂痕，無由彌縫，西北軍各立門戶，徒奉馮爲精神領袖，已失臂指之功。

斯編所紀，自馮玉祥微時、投軍、發迹，率軍入蜀，在帝制運動中，與護國軍作戰。清帝復辟，與張勳定武軍交綏。護法戰爭中，通電主和。第一次直奉大戰，收拾豫督趙倜，固定後防。第二次直奉大戰，班師回京經過。討奉戰爭，南口一役慘狀。聯俄，聯南，五原誓師，北伐各役，分章記述，條理貫串。具載李編『國民軍史稿』中。一九三〇年間馮聯合，魯豫大戰及戰爭結束後宋哲元部改編爲二十九軍經過，則備載宋哲元縷述，具見透闢。於事跡始末，文中繫以當日函電，對事之原委，燦然可明，經緯可判。其重要戰役，則編成地圖，稽覈尤便。他如軍中重要幹部、僚屬人物，分別詳記籍里、出身、經歷，有裨知人論世之資。因將兩編合輯成帙，釐定今名，藉供研治近代史者之參考。

國民軍史稿



李 泰 榮 先 生



金 玉 昆 君



白 映 星 君

例言

一、本編既名國民軍史稿。凡所紀載。自以國民軍爲主。戰政往蹟。皆在敘述之列。但其事實。或涉及中國全局。或有關國中他部者。亦並及之。以明原尾。至關於個人者。凡曾任方面。皆另述其詳細履歷。並註明其別號。省縣籍貫。若未任方面者。則僅述其別號。省籍。若本非國民軍人物。而因事涉及者。則但錄其名。以便有所區別。

二、史之主旨。貴在紀實。若有所論。則屬史評。故說文云。史。紀事者也。凡國民軍經過事實。悉就所知。編次備考。至所採函電。則以有關國家大局。國軍成敗。及各首領之重要政見者爲主。此外因關軍政要事者。一概從略。電中攻擊他方。辭或過甚。然存厥舊觀。未敢有諱。嘗觀馮總司令之馮玉祥自傳跋文有云。吾一生責善至嚴。故攻擊他方。語容激烈。然大丈夫當光明磊落。出口即不應諱。（大意如此。非原文也。）史貴存真。尤應無所顧忌。若謂所錄函電。有意詆毀他方。則失不佞懷鉛握槧。朝夕伏案之苦心矣。

三、本書擬稿殺青。歷時六月。章節目次。箸者手擬。書中事實。半皆平日強記。至關於文字紀錄之參攷。有馮玉祥自傳。國民軍奮鬥史兩稿本。關於口述之參攷。有吾友薛子良部長。石小山鄧仲知兩主席之供給一軍。弓海亭軍長。鄧寶珊幫辦。李養泉旅長之供給二軍。何叙父軍長。郭唯一廳長之供給三軍。孟芸生處長之供給五軍。呂潤齋軍長之供給七軍。並皆津津樂道。惠我良多。此外助我編

錄者。有門人白映星院長。金玉崑委員長。並誌於此。聊表謝忱。

四、本書屬稿之前。曾商之鹿瑞伯部長。徐次宸主席。承允代徵簡任以上文武職員之履歷像片各一份。以備參採。不幸軍興數月。未暇及此。書前照片。半係寒舍舊藏。半係像館購得。殘缺未完。殊深歉仄。且書中所述。漏誤難免。指正增補。無任歡迎。無論像稿。賜寄敝廬。（北平西四牌樓羊市大街四十八號）再版定當增正。

由氣水固體而成地球。由蟲魚鳥獸而至人類。上下數億載。縱橫五大洲。吾人無翼助飛。無爪助戰。徒以智慧而勝一切。筆路藍縷。以成今日光彩燦爛之世界者。艱危至矣。人之生也。壽不逾百。天亡且半。而天下之大。往事之繁。尙能瞭然於懷者。史之力也。史也者。人類事實錄也。佛講報應。史述因果。有族於此。相助必興。相殘必滅。有國於此。同心必興。同仇必滅。因果具在。昭然若揭。資人借鑒。而史尙矣。吾生數歲。先嚴景清公。息影田園。治經史尤嗜左氏傳。衰周治亂。閒輒語余。稍長。讀左國史漢。間及諸子。學雖譎陋。而頗有志於史。既長。專意旁行。暫置國學。嘗取各國史籍。涉略梗概。壬癸之交。國人侈談法政。爭雄報章。偶及外史。亦屬鱗爪。適余讀書太學。課暇編譯「西洋大歷史」行世。及執鞭北京大學。又纂「西洋近百年史」「歐洲戰史」等。是吾二十五歲以前致力外史時期也。繼思列國數十。文語互異。知概雖易。治精則難。吾國二十四史。恒苦不易卒讀。矧復經史集部。史料滋多。排列整理。擇要編述。俾國人利用短時。知古今政治社會之概。固今日治史者之責也。因又涉略四部要籍。伏案兩載。成「中國史綱」及「中國近百年史」。是吾三十以前研究通史時代也。繼知國史樞紐。繫於姬周。吾國制度文物。唐虞肇造。夏商蔚起。洎平文武周公。燦然大備。沿習於清。罔破厥籬。而史記所載。僅數千言。因盡取秦火遺書。及歷代解經諸籍。參證徵引。成「西周史徵」。都五十萬言。客冬先嚴就養平厲。一日忽召謂曰。汝治史學所資爲料者。古人著作也。他日後人治史。將何所資。余以今人著作對。先嚴曰然。吾國史書。有唐以前。多爲私纂。自是而後。代設史館。紀傳前朝。至本朝事蹟。則有起居注及實錄類。以資後日史料。民國成立。期於永世。國史之修。豈待後日。往在北庭。尤曾設館。國民政府成立。并此機關亦無。汝知人之哀。莫大於心死。種之

哀莫大於無史。吾垂暮之年，行將就木，前朝遺事，耳聞目覩，略有記錄，後當整理行世。汝於現代史事，自當努力爲之，以資後世參考。余旣唯命，先嚴復謂民國人物，今多健在，紀傳不便，宜用紀事。且私家著述，僅作史料，當仿萬季野例，下加稿字。余亦唯命。原擬先草中華民國史稿，然以茲事體大，資料未充，遂變計先以團體爲準。往曾於役西北，國民各軍當局，率多舊友，昔所見聞，稿已盈篋，遂更分函徵求。或親詢問，爲時六月，成言三十萬。今夏函稟先嚴，來諭欣慰，顏曰：「國民軍史稿」者，先父志也。孰意此書付梓之際，正先嚴棄養之日，竟不得捧呈膝下。一正其謬，天乎痛哉。

民國十九年十月陽原李秦葵序於平厲不慍齋

陽原李師革癡，弱冠治史，所著「西洋大歷史」、「中國史綱」，通國教師多資參證。所著「西洋近百年史」、「中國近百年史」、「新纂世界史」等，中學大預多爲教本。洛陽紙貴，聲滿寰輿。十稔以還，復醉心攷據，以西周一代樞紐各朝，欲明宗邦治亂，須自周始。馬遷本紀僅數千言，未足著其政制。馬氏釋史，僅備一覽而已。吾師窮力五載，成「西周史徵」五十萬言。嘗聞留日學友云：東邦學者盛推此書，並謂晚近治漢學者，精則海寧王氏，勤推陽原李氏，星等無似，未荷薪傳，但就史徵觀之，證引宏富，條例謹嚴。比之乾嘉大師，恐無以過，勤豈盡其能哉？客冬侍遊舊京，時親教澤，並云近承太夫子嚴命，擬編現代史實，今春函召赴并，襄纂國民軍史。時或追隨吾師，走詢當途，從旁記事，問亦口述所知，命以筆錄。師長歸綏教廳，時星爲記室，繼長北平教局，崑爲記室，書中叙及師事，不自執筆。屬星等分別代叙，蓋避嫌也。全書既成，謹述緣起如此。抑星等更有言者：五載以來，吾國社會科學書類，遂譯編纂，種將數百，蓋以今日文明諸國對於近事，搜討至勤，政治有史，社會有史，經濟有史，學藝有史，甚至偉人學者亦各有史。獨吾宗邦學人，其對外事近尙注意，獨於自國視若等閒。自胡適之、梁任公兩公倡導以還，古學略有條理。然近世記載，坊間偶見內戰小冊，亦屬體無事雜，多類稗官，揭及陰私，有乖史例。如鄒海濱之「中國國民黨史稿」及吾師之「國民軍史稿」，堪備正史資料者，蓋未覩焉。雖然，師恒謂精研往史，可知未來。從事政治者，非史無成。民國廿年，當局屢敗，別因原有，要在不知往史，每值政變，師輒先談，星等驗之而皆中。歷徵實現，則平日政治主張，皆當國用。觀於書札往還，袞袞諸公，類多良友，而對於此書當途，更無論矣。然數稔以還，除偶辦地方教育外，即伏案著述，星等不敏，不知讀聖賢書，所爲何事，暇嘗叩以斯意，師


必太息久之。未悉讀此書者及書中諸公。將來感想若何也。噫。

民國十九年十月門人白映星
金玉崑謹序

令 司 總 軍 民 國



祥 玉 馮




民國十二年四月四日總司令在越南參加官出會操狀
況



民國十二年四月廿五日
總司令在越南參加官出會操狀
況



密之狀况
中與草
地乃在
九年九
月之北
命師北
樹之方
班定然
舉可令
直三關
十三年
秋



民國十三年四月廿四日
總司令在雲城河外兵之狀
况



民國十三年十一月五日遷葬帝溥儀出宮時之狀況




民國十一年一天國軍在滿組之護衛受官之況
國三十月律役民官奉所總督察嚴嚴兵民



十五年三月五日在蒙京程墓古民敵迎之況
十五年三月五日在蒙京程墓古民敵迎之況




十五年七月五日馬總司令在莫斯科工廠內之狀況
十五年七月五日馬總司令在莫斯科工廠內之狀況



十五年七月間馮在莫斯科南鄉打掃庭院之狀況



民國十年七月馮司在原師旗狀
國五九十月總令五督受之況



十六年三月間馮總司令在安國軍地義陣亡官吳汝之狀況



十年月一馮兩作激勳乃于台權之況昇運街聞也
六三十日在安南運此與公庄街狀於前日者焉



十六年六月廿一日馬總司在徐州會議之狀況



十六年六月廿一日馬總司在徐州會議之狀況



十六年六月廿一日馬總司在徐州會議之狀況



十六年六月廿一日馬總司在徐州會議之狀況